



Bosna i Hercegovina
Federacija Bosne i Hercegovine
Federalno tužilaštvo
Federacije Bosne i Hercegovine

I Broj: A: 500 /21
Sarajevo, 03.11.2021. godine

BOSNA I HERCEGOVINA
FEDERACIJA BOSNE I HERCEGOVINE

PARLAMENT FEDERACIJE BOSNE I HERCEGOVINE
Ulica Hamdije Kreševljakovića broj 3
71000 S A R A J E V O

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Prilijeno:		U 9 -11- 2021	
Org. jed.	Broj	Priloga	Vrijednost
01,01/c 02,02/c	- 11 -	2150	21

PREDMET: Informacija o izvršenju Budžeta Federalnog tužilaštva FBiH za 2020. godinu.
dostavlja se

Poštovani,

u skladu sa čl. 35 st. (3) Zakona o Federalnom tužilaštvu Federacije BiH („Službene novine Federacije BiH“, broj: 19/03), u prilogu ovog dopisa dostavljamo Vam Informaciju o izvršenju Budžeta Federalnog tužilaštva FBiH za 2020.godinu.

Dostaviti:

1. naslovu;
2. a/a

GLAVNI FEDERALNI TUŽILAC
Munib Halilović





INFORMACIJA / IZVJEŠTAJ **O IZVRŠENJU BUDŽETA FEDERALNOG TUŽILAŠTVA FEDERACIJE BIH** **ZA 2020.GODINU**

U 2020. godini Tužilaštvo je imalo na raspolaganju pored redovnih sredstava namjenjenih za njegov rad i grant sredstva Evropske unije iz Projekta „Unapređenje rada na predmetima ratnih zločina u BiH“ IPA 2017. Tako da su ukupni troškovi i izdaci na kraju 2020. godine uvećani sa troškovima finansiranim iz sredstava IPA Projekta Evropske unije u iznosu od 13.433 KM, s tim da je ova razlika oprihodovana sa pomenutim iznosom.

U strukturi naših redovnih troškova i izdataka, bez troškova IPA-projekta, koji ukupno za 2020. godinu iznose 13.433 KM, najveći dio se odnosi na plaće i naknade uposlenih. U okviru ostalih troškova najzastupljeniji su troškovi koji se odnose na komunalne usluge, ugovorene usluge i nabavku materijala.

Budžet Federalnog tužilaštva nakon rebalansa budžeta za 2020. godinu iznosio je 1.840.907 KM, dok su ukupni troškovi i izdaci iznosili 1.651.069 KM. Ostalo je neutrošeno 189.838 KM. Budžet Tužilaštva iznosio je 4.056.023KM, da bi rebalansom budžeta smanjen za 2.215.116KM. Do rebalansa je došlo zato što u 2020. godini nije počeo sa radom Poseban odjel protiv korucije i organiziranog kriminala, čiji početak se očekivao u 2020. godini, kao i zbog teške ekonomske situacije izazvane virusom Covid-19. Rebalansom budžeta su nam značajno umanjena sredstva na pozicijama bruto plaća i doprinosa, kao i na poziciji naknada troškova uposlenih. Na materijalnim izdacima umanjeno je bilo znatno manje ali zbog situacije sa Covid-19 izvršenje materijalnih troškova je bilo u prosjeku svega 64,2%odobrenih sredstava. Ostalo je neutrošeno 51.562KM. Razlog odstupanja izvršenja od plana je u tome što Tužilaštvo nije radilo u punom kapacitetu zbog ekonomske i epidemiološke situacije izazvane epidemijom Covid-19. Na rad Tužilaštva uticala je teška ekonomska situacija u zemlji i svijetu koja se odrazila i na njegov rad.

Izvršenje budžeta za 2020. godinu iznosi 89,7 % odobrenog budžeta za 2020. godinu, odnosno neutrošeno je 189.838KM. Odstupanje izvršenja budžeta od plana uglavnom je odstupanje po osnovu materijalnih troškova, tj izvršenje je manje za 35,8%, a na troškovima uposlenih manje je za oko 4,70% KM. Odstupanje na troškovima uposlenih je odstupanje po osnovu broja uposlenih. U 2020. godini nije imenovan jedan tužilac čiji godišnji troškovi iznose oko 80.000KM. U KM to ukupno iznosi 125.514 KM(plaće plus m.troškovi).

Ukupni troškovi bruto plaća iznose 1.340.762KM, što iznosi 81,2% ukupnih troškova Tužilaštva. Naknade troškova zaposlenih iznose 76.146 KM. Troškovi na ime doprinosa iznose 141.253 KM. Ukupni troškovi na ime plaća, naknada i doprinosa iznose 1.558.161 KM, što iznosi 94,37% ukupnih troškova Tužilaštva i jasno govore o strukturi troškova Tužilaštva. Izvršenje plana na ime bruto plaća i doprinosa je u okviru plana i iznosi oko 95% planiranih sredstava za ove namjene, odnosno 84,64% budžeta. Na naknadama izvršenje iznosi 72% od plana za ove namjene.

U 2020. godini smo na ime razlike naknada toplog obroka, regresa, kamata i troškova spora po pravosnažnim sudskim presudama isplatili svega 350KM, što iznosi svega 0,6% odobrenih sredstava. Ostalo je neutrošeno 61.965KM, odnosno 99,4% odobrenih sredstava. S obzirom da su to značajna sredstva može se reći da je ovo imalo uticaj na odstupanje izvršenja od plana. Jer ovo odstupanje čini trećinu odstupanja izvršenja od plana. Razlog tome je odbijanje zaposlenih da zaključe ugovor o vansudskoj nagodbi.

Zaključno sa 2020. godinom obaveze po izvršnim sudskim presudama iznose 99.457 KM.

Potencijanih obaveza po sudskim presudama (one koje nisu izvršne) nema, sve su u ovoj godini postale izvršne.

Kapitalnih izdataka nije bilo.

Što se tiče ostalih obaveza, to su uglavnom obaveze za plaću za XII mjesec 2020. godine i obaveze prema dobavljačima (troškovi telefona, poštarine, kancelarijskog materijala, opravki opreme i sl.) za XII mjesec 2020. godine u iznosu od 6.471.KM.

Federalnom tužilaštvu Federacije BiH 2014. godine donirana su sredstva Evropske unije iz projekta „Praćenje provođenja Državne strategije za rad na predmetima ratnih zločina“, IPA 2012. Sredstva su namjenjena za plaće jednog tužioca i jednog stručnog saradnika, kao i za materijalne izdatke koje oni naprave u toku svog rada. Materijalni izdaci su uglavnom vezani za troškove službenog puta, pošto je njihov rad vezan za tužilaštva u cijeloj Federaciji BiH, odnosno za praćenje njihovog rada na predmetima ratnih zločina.

Sredstva su operativna od četvrtog mjeseca 2014. godine, kada je i počeo sa radom jedan stručni saradnik, a tužilac je počeo sa radom u šestom mjesecu 2014. godine. Rad stručnog saradnika i tužioca do 2017. godine je finansiran iz sredstava IPA 2012, a od 2017. godine njihov rad se finansira grant sredstvima IPA 2013 Projekta- Unapređenje rada na predmetima ratnih zločina u BiH.

U 2019. godini Federalno tužilaštvo je nastavilo ovaj Projekat koji je finansiran grant sredstvima IPA 2013 Projekta- Unapređenje rada na predmetima ratnih zločina u BiH. Iz ova dva projekta ostalo je neutrošeno 18.123,70KM, koja su vraćena donatoru. Odnosno donatoru iz sredstava IPA 2013 vraćeno je 17.324,74, ostatak od 800,03 iz IPA 2012 plus kamata su prenešena na JRT.

Od 07.10.2019. Projekat se nastavlja i u narednom periodu tako što je uplaćena I tranša grant sredstava za projekat „Unapređenje rada na predmetima ratnih zločina u BiH“ IPA 2017 u iznosu od 20.253,43KM. Ovaj projekat je nastavljen do 06.10. 2020. godine. Od oktobra 2019. godine do kraja godine iz grant sredstava IPA 2017 je utrošeno 6.511,65 KM za plaće i naknade jednog stručnog saradnika, za šta su ova sredstva isključivo i namjenjena. Odnosno utrošeno je 32,2% odobrenih sredstava. Ostatak je prenešen u 2020. godinu. Ukupno je prenešeno 13.743,97 KM. Projekat je nastavljen do 06.10.2020., a do kada je utrošeno 13.433,01 KM za plaće i naknade jednog stručnog saradnika, tj. 97,74% odobrenih sredstava za 2020. godinu, za iste namjene kao u prethodnom periodu i to za period do jula mjeseca 2020. godine. Ostalo je neutrošeno 310,96 KM koje nismo mogli iskoristiti jer nisu uplaćena nedostajuća sredstva za plaće i naknade, odnosno nije uplaćena II tranša grant sredstava IPA 2017. Za ovaj period su nam nedostajala sredstva za isplatu plaća u iznosu od 8.012,84 (za period juli-oktobar). Razlika nedostajućih sredstva je uplaćena u januaru 2021. godine, tako da su za ovaj period troškovi plaća teretili 2021. godinu, pošto se radi o donatorskim sredstvima nismo mogli stvarati obavezu na Federalnom tužilaštvu.

U 2021. godini se nastavlja finansiranje Projekta Evropske unije „Unapređenje rada na predmetima ratnih zločina u BiH“ sa grant sredstvima projekta IPA 2019.

Dakle ukupni troškovi i izdaci Federalnog tužilaštva zajedno sa troškovima finansiranim IPA sredstvima iznose 1.664.502 KM.

Broj: A-500/21
Sarajevo, 27.10.2021. godine

GLAVNI FEDERALNI TUŽILAC



